



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<24>> օգոստոս 2021թ.

Ո Ր Ո Շ ՈՒ Մ No. 1691-1 Ա

ՎԱՐՉԱԿԱՆ ԱԿՏՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանն քննարկելով ֆիզիկական անձ Արաքսի Ավետիքի Դանիելյանի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող արձանագրության ֆիզիկական անձ Արաքսի Ավետիքի Դանիելյանի (ՀՎՀՀ՝ 66945819, ՀԾՀ՝ 8008680105, հասցե՝ ք. Վանաձոր Տարոն 2 ԲՇՀ 4, 41 շ., 9 բն.) չկատարված հարկային պարտավորությունը 09.06.2021 թվականի դրությամբ կազմել է 1.876.800 դրամ, որից ապառք՝ 1.840.000 դրամ, տույժ՝ 36.800 դրամ, որն առաջացել է ֆիզիկական անձի կողմից 2020 թվականին անշարժ գույքի օտարման գործարքի արդյունքում և ՀՀ հարկային օրենսգրքի (այսուհետ՝ Օրենսգրք) 401-րդ հոդվածի համաձայն հաշվարկված տույժերից:

Վերոնշյալ պարտավորությունը գանձելու վերաբերյալ 08.07.2021 թվականին կայացվել է թիվ 1691-Ա որոշումը:

Օրենսգրքի 140-րդ հոդվածի համաձայն՝ ֆիզիկական անձը, հանդիսանալով եկամտային հարկ վճարող, նույն օրենսգրքի 156-րդ հոդվածի 4-րդ մասի 2-րդ կետի համաձայն պարտավոր է մինչև յուրաքանչյուր հաշվետու ժամանակաշրջանին հաջորդող հարկային տարվա ապրիլի 20-ը ներառյալ Օրենսգրքի 53 հոդվածով սահմանված կարգով հարկային մարմին ներկայացնել Օրենսգրքի 151-րդ հոդվածի 3-րդ մասով սահմանված եկամուտների մասով եկամտային հարկի տարեկան հաշվարկ և վճարել դրա արդյունքում առաջացող հարկային պարտավորությունների գումարը՝ համաձայն Օրենսգրքի 158-րդ հոդվածի 2-րդ մասի 2-րդ կետի:

Հաշվի առնելով այն հանգամանքը, որ չկատարված հարկային պարտավորությունը գանձելու վերաբերյալ թիվ 1691-Ա որոշումը կայացնելուց հետո ֆիզիկական անձի կողմից ներկայացվել է եկամտային հարկի և սոցիալական վճարի 2020 թվականի տարեկան հաշվարկ, ուստի առկա են բավարար հիմքեր հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am

կողմից կազմվող արձանագրության հիման վրա կայացված թիվ 1691-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 66-րդ հոդվածի 2-րդ մասով՝

ՈՐՈՇԵՑԻ

Ֆիզիկական անձ Արաքսի Ավետիքի Դանիելյանի վերաբերյալ ՀՀ ՊԵԿ իրավաբանական վարչության պետի կողմից 08.07.2021 թվականին կայացված չկատարված հարկային պարտավորությունները գանձելու մասին թիվ 1691-Ա որոշումը ճանաչել ուժը կորցրած:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐԽԱՆ ՄԱՅԱԿԱՆՅԱՆ



ՔՅ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am